



Broj/Број: 02/2-50-1-9-18-11/04
Sarajevo/Сарајево: 31. 05. 2004. godine

Z A P I S N I K

sa 18. sjednice Komisije za vanjsku i trgovinsku politiku Doma naroda Parlamentarne skupštine BiH održane 18. 05. 2004. godine

Osamnaestu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaо je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Osman Brka, Velimir Jukić i Nade Radović, kao i Nevenka Savić, sekretar Komisije.

Osim navedenih, sjednici su prisustvovali Dragiša Mekić, pomoćnik ministra i Hajrudin Podbirčanin, šef Odjela iz Ministarstva vanjske trgovine i ekonomskih odnosa BiH u svojstvu predstavnika predlagača.

Sjednicom je predsjedavaо predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio Dnevni red dopunjen tačkom 5., kako slijedi:

DNEVNI RED

1. Usvajanje Zapisnika sa 17. sjednice Komisije;
2. Prijedlog zakona o izmjeni Zakona o vanjskotrgovinskoj politici BiH – predlagač Vijeće ministara BiH;
3. Prijedlog zakona o izmjenama Zakona o carinskoj politici Bosne i Hercegovine - predlagač Vijeće ministara BiH;
4. Saglasnost za ratifikaciju Prvog amandman sporazuma Kreditnom sporazumu između Bosne i Hercegovine i Evropske banke za obnovu i razvoj - predlagač Predsjedništvo BiH;

5. Saglasnost za ratifikaciju Drugog amandman sporazuma Kreditnom sporazumu između Bosne i Hercegovine i Evropske banke za obnovu i razvoj - predlagač Predsjedništvo BiH;
6. Saglasnost za ratifikaciju Sporazuma između Bosne i Hercegovine i Švicarske Konfederacije o unapređenju i recipročnoj zaštiti investicija - predlagač Predsjedništvo BiH;
7. Saglasnost za ratifikaciju Sporazuma o naučno-tehničkoj saradnji između Vijeća ministara Bosne i Hercegovine i Savjeta ministara Srbije i Crne Gore – predlagač Predsjedništvo BiH;
8. Tekuća pitanja.

Dopunjeni Dnevni red je jednoglasno usvojen.

Ad. 1. Usvajanje Zapisnika sa 17. sjednice Komisije

Zapisnik sa 17. sjednice Komisije je jednoglasno usvojen.

Ad. 2. Prijedlog zakona o izmjeni Zakona o vanjskotrgovinskoj politici BiH – predlagač Vijeće ministara BiH

Komisija za vanjsku i trgovinsku politiku, kao nadležna komisija, razmatrala je ovaj Prijedlog zakona u osnovnom zakonodavnom postupku komisijske faze, u skladu sa članom 79. stav 2. Poslovnika Doma naroda.

G. Mekić u svojstvu predstavnika predlagača, dao je jasno pojašnjenje ove izmjene postojećeg Zakona. U obrazloženju je rekao da brisanje člana 9. Zakona, predstavlja jedan od uvjeta za predstojeće potpisivanje Sporazuma o stabilizaciji i pridruživanju sa Evropskom unijom. Kriterijima Evropske unije nije predviđeno izvozno-uvozno carinjenje bez prelaska linije, ali ova novina neće pogoditi domaće proizvođače. U diskusiji su učestvovali gospoda Čengiđ, Jukić i Radovanović.

Komisija je jednoglasno podržala principe zakona. Amandmana na Prijedlog zakona nije bilo. Komisija je jednoglasno prihvatila Prijedlog zakona i kao takvog ga uputila u dalju parlamentarnu proceduru prema Domu naroda u skladu sa poslovnim odredbama.

Ad. 3. Prijedlog zakona o izmjenama Zakona o carinskoj politici Bosne i Hercegovine - predlagač Vijeće ministara BiH

Komisija za vanjsku i trgovinsku politiku, kao nadležna komisija, razmatrala je ovaj Prijedlog zakona u osnovnom zakonodavnom postupku komisijske faze, u skladu sa članom 79. stav 2. Poslovnika Doma naroda.

G. Podbirčanin, u svojstvu predstavnika predlagača, dao je pojašnjenje ove izmjene postojećeg Zakona kojom se predviđa oslobođanje od plaćanja carine za robe koje se upotrebljavaju za deminiranje, a potpuno su finansirane od strane donatora. U diskusiji, koja je bila u pravcu

obezbjedenja mehanizama za otklanjanje eventualnih zloupotreba ove povlastice, učestvovali su svi članovi Komisije.

Komisija je jednoglasno podržala principe zakona. Amandmana na Prijedlog zakona nije bilo. Komisija je jednoglasno prihvatila Prijedlog zakona i kao takvog ga uputila u dalju parlamentarnu proceduru prema Domu naroda uz sljedeće zaključke:

- Traži se od Vijeća ministara BiH da pripremi podzakonske akte koji će onemogućiti zloupotrebu povlastica koje se predviđaju ovim Prijedlogom zakona;
- Traži se od Vijeća ministara BiH da u roku od 30 dana dostavi u parlamentarnu proceduru Prijedlog zakona o izmjenama i dopunama Zakona o carinskoj politici BiH kojim će biti regulirano oslobađanje od plaćanja carine na uvezenu opremu i mašine za proizvodnju u BiH, a koje se ne proizvode u Bosni i Hercegovini.

Ad. 4. Saglasnost za ratifikaciju Prvog amandman sporazuma Kreditnom sporazumu između Bosne i Hercegovine i Evropske banke za obnovu i razvoj - predlagač Predsjedništvo BiH

Predsjedavajući je konstatirao da predstavnik predlagača nije prisutan, pa je o Sporazumu govorio predsjedavajući Komisije, g. Čengić.

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 5. Saglasnost za ratifikaciju Drugog amandman sporazuma Kreditnom sporazumu između Bosne i Hercegovine i Evropske banke za obnovu i razvoj - predlagač Predsjedništvo BiH

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma.

Ad. 6. Saglasnost za ratifikaciju Sporazuma između Bosne i Hercegovine i Švicarske Konfederacije o unapređenju i recipročnoj zaštiti investicija - predlagač Predsjedništvo BiH

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma između Bosne i Hercegovine i Švicarske Konfederacije o unapređenju i recipročnoj zaštiti investicija.

Ad. 7. Saglasnost za ratifikaciju Sporazuma o naučno-tehničkoj saradnji između Vijeća ministara Bosne i Hercegovine i Savjeta ministara Srbije i Crne Gore – predlagač Predsjedništvo BiH

Članovi Komisije su jednoglasno odlučili da predlože Domu naroda Parlamentarne skupštine BiH da donese odluku o davanju saglasnosti za ratifikaciju ovog Sporazuma.

Ad. 8. Tekuća pitanja

- (a) Na prijedlog g. Brke, Komisija je jednoglasno zaključila da će u narednom periodu organizirati tematsku sjednicu koja će se baviti uspostavljanjem povoljnijeg viznog režima za bh građane;
- (b) Na prijedlog g. Čengića, Komisija je jednoglasno zaključila da će u narednom periodu organizirati tematsku sjednicu koja će se baviti carinskom politikom, carinskom tarifom i njihovom implementacijom;
- (c) Predsjedavajući g. Čengić, predložio je da se izvrši revizija realizacije Plana rada za Komisije za 2004. godinu i razmotre mogućnosti poboljšanja u smislu sadržaja, što su članovi Komisije jednoglasno prihvatili.

Predsjedavajući Komisije

Hasan Čengić